



Sud Bosne i Hercegovine
Суд Босне и Херцеговине

Broj: S1 3 Iž 038441 20 Iž
Sarajevo, 28.10.2020.godine

Sud Bosne i Hercegovine u Sarajevu, u Apelacionom upravnom vijeću, sastavljenom od sudija Mirsade Džindo, kao predsjednika vijeća, Zvezdane Antonović i Vesne Trifunović, kao članova vijeća, odlučujući o žalbi Lejlić Jasne, Aargauerstrasse 11 D, 5610 Wohlen AG, Švicarska, izjavljenoj protiv odluke Centralne izborne komisije Bosne i Hercegovine, broj: 05-1-07-1-998/20 od 01.10.2020.godine, u nejavnoj sjednici, održanoj dana 28.10.2020.godine, donio je

R J E Š E N J E

Žalba se odbija

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, podnosiocu žalbe odbijen je upis u izvod iz Centralnog biračkog spiska za glasanje izvan BiH za Lokalne izbore 2020.godine, za ukupno 27.960 birača po prijavama podnesenim do 01.09.2020. godine iz razloga što se ne nalazi u izvodu iz Centralnog biračkog spiska.

Protiv ove odluke žaliteljica je blagovremeno uložila žalbu navodeći da je prijavu dostavila 28.08.2020.godine putem e-maila, ali da je provjerom ustanovila da se ne nalazi na biračkom spisku. Traži da se njeni podaci provjerei ista uvrsti na birački spisak za glasanje putem pošte. Napominje da se sada ovim putem prijavljivala za izbore izvan BiH i uvijek je ispunjavala uslove.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana.

Ispitujući ožalbenu odluku u okviru žalbenih navoda vijeće je zaključilo da žalba nije osnovana.

Prema stanju u spisu ovo vijeće konstatuje da je CIK BiH, prije donošenja ožalbene odluke, a prilikom razmatranja prijave Lejlić Jasne za glasanje izvan BiH-Lokalni izbori 2020.godine koja je dostavljena dana 22.08.2020.godine putem e-mail adrese jasna.lejlic@gmx.ch, utvrdila da je žaliteljica uz prijavu priložila kopiju pasoša Bosne i Hercegovine izdatog od strane JRD Brčko BiH, Brčko Distrikt BiH.

Postpajuci po navedenoj prijavi, CIK BiH je utvrdila da žaliteljica nije upisana u Centralni birački spisak.

Odredba člana 3.15 stav (1) Izbornog zakona BiH („Službeni glasnik BiH“ broj 23/01 do 31/16), propisuje da državljanin BiH koji živi u inostranstvu, a ima biračko pravo u skladu sa Zakonom i upisan je u Centralni birački spisak, da bi se nalazio u izvodu iz Centralnog biračkog spisaka dužan je da se za svake izbore prijavi CIK BiH. Prijava mora biti zaprimljena u CIK BiH prije roka koji odredi CIK BiH, u periodu nakon raspisivanja izbora. Uz popunjenu i potpisanu prijavu podnosilac prilaže i dokaz o identitetu i podatke o tačnoj adresi u inostranstvu, te izjašnjenje o opciji glasanja u diplomatsko-konzularnom predstavništvu ili putem pošte.

Izrada izvoda iz Centralnog biračkog spiska za birače koji glasaju izvan BiH, prema odrebi člana 3.6 stav 4. Izbornog zakona BiH, vrši se na osnovu podataka koje ima Centralna izborna komisija BiH i podataka koje dostavljaju građani koji glasaju izvan BiH.

Odredba člana 1.4 Izbornog zakona BiH je propisano da svaki državljanin BiH sa navršenih 18 godina života ima pravo da glasa i da bude biran u skladu sa odredbama ovog zakona. Da bi državljanin BiH ostvario svoje biračko pravo, isti mora da bude upisan u Centralni birački spisak u skladu sa Izbornim zakonom.

Kako žaliteljica nije upisana u Centralni birački spisak, to je bez obzira što je uz prijavu dostavila valjan dokaz o identitetu i valjan dokaz o državljanstvu, pravilna odluka CIK BiH da se istoj odbije prijava za glasanje izvan BiH. Da bi žaliteljica bila upisana u Centralni birački spisak, morala je da dostavi valjan dokaz o prebivalištu-lična karta izdata u BiH ili potvrda o prebivalištu u BiH, što ista nije učinila.

Iz navedenih razloga Apelaciono upravno vijeće ovog suda nalazi da je pobijana odluka Centralne izborne komisije Bosne i Hercegovine pravilna i zakonita a žalba neosnovana, pa je istu primjenom odredbe člana 81. stav 1. druga rečenica, Zakona o upravnim sporovima Bosne i Hercegovine („Službeni glasnik BiH“ broj 19/02 do 74/10) valjalo odbiti.

Predsjednik vijeća
S u d i j a
Mirsada Džindo